

常當布施並無法惜水斷造橋路邊立井
度諸行人救諸飢渴奠埋六畜飛禽屍骸
皆得安穩无令暴露三光發誓願修善行
已入於存思不怠即當靜定然後燒諸名
香先觀青霄雲路扶搖羊角而上壘壘冲
高壘壘上至天界次觀天帝所在兆當存
其天界廣博嚴好香炷常氣无有雜穢其
天帝君乘八景玉輦三素飛雲瓊輪羽蓋
五色華光龍麟虎豹獅子白鶴嘯歌邕邕
其地皆薦以黃金四邊階道並用白玉七
寶珠珍光明煥耀天帝披雜羅之帳冠百
寶天冠左右侍從悉皆飛天真人身有光
明輝耀日月其諸鼓樂絃歌洞簫並發人
氏熾盛无夫年之子无叫號之聲彼諸天
宮亦有劍樹其餘不瑤見諸天衆无數无
數有自然飲食種類豐盈味流下土其諸
天有寶樹金池五色光耀紫林微風枝葉
相觸自成妙音彼諸天宮並以衆寶合成
其天帝端然居之彼諸天光朗徹九幽天
帝以善妙法普度天人其諸天人聞法讚

善帝君玉案之上有赤書玉字招集群仙
有黃籙簡文普度幽冥兆每日存思已形
法服羽衣乘九色之雲詣一天之中隨其
天中仙官列班朝禮而退過三元八節日
隨班上朝諸天預諸法會坐於劫刃寶臺
其臺如圓壇層層不計其數生二仰觀上
法久純熟定中自成夢寐忘形之時神
飛道境目觀見天帝說法耳聞天帝聖語
及仙樂蕭韶笙簧之音當此之時陽神已
結能朝諸天然後可觀三天之行神觀諸
天先當齋戒沐浴宮詠天中空洞自然空
章先滿三百遍次及七百遍至一千通然
後方可行之舉念則神飛萬里意動則玄
應十方一年之後陽神不遊於塵世常居
諸天小則七年大則九年必得超出塵世
上生諸天欲界之天猶有炁化生元色界
於九品蓮花而成形芳華窈窕之間見青碧
白蓮有六道之漸也進道則蓮花開苞道
廢則含蓮不開罪愆則蓮花凋謝
靈寶无量度人上經大法卷之二十五

靈寶无量度人上經大法卷之二十六 生六
神受大法品
玄師曰先欲念十方天尊一心智慧須令
丹房榮淨七情六慾俱无混亂一心專誠
常不放逸少慾戒念見在知足行慈順生
即儉忍辱抑怒少食減睡息思慮省視聽
默語言守動靜息心在茲常於動靜之間
不失此度然後擇十直八節是諸良辰汰
浴內外燒衆妙香恭對
玉清上帝元始天尊御容便足而坐叩齒
集神咽液和魂定心淨念調氣使勻心拜
三過安意一心諦觀聖容先從萬變玉清
寶冠次觀圓明天顏金真之色圓色如九
色虹蜺次第九色雜羅帔服二手展視天
印轉次下觀雙足坐於金碧蓮座擊以玉
局碧瑤玉几又復從天顏天冠相相諦觀
時時閉目憶念存心若不明瞭還開目視
極令分明不失毫末再閉目觀之行住坐
卧此觀成已然後於閑靜之處焚香默坐
觀西北玉清之天玄虛之際廓然大光如

日月之明遍滿法界无有山河草木此定成已唯見一天尊在空虛之中如前觀成儀坐於金碧蓮臺之上舉手說法光明七十二瑞相八十一種好諦心觀察一分明繫心无復散亂如是見已便見上方天尊光明相好天尊舉手說法寶大法既見十方天尊便增見十方億劫應化天尊乃至无邊天尊初則近見漸次遠見轉遠轉大光先相接見已迴觀西北復如前觀不失毫末觀既成已十方上下亦復如是十方層層分明當復一時遍觀十方百千萬億諸天一念所緣周遍得見而諸天尊同一智慧覺悟道源圓照諸法了无為若如此者歲月既久定功乃成自然得見十方諸天尊皆為說靈寶大法疑網悉除得元為正道若是宿業障重不能得見天尊者但一日一夜六時懺悔精思入定幾種平生惡業精勤進道隨順一切德喜心結於日積漸能得見縱使不為說法是人心已證入快樂妙果身心安穩久亦得見无

為大道也次在七日七夜湛然見玉清聖境前之大定精思已成當於閑靜之處乃至睡卧一心三聖存上官泥丸廓然放白光大慈光遍照法界念念三聖心心光明歲月既久觀力定成七日七夜不昧決定見元始天尊說法神通現前訓誨汝心即入道源所謂念念无休息也稽首天顏而作頌曰

一心三聖 三聖一光 光光心生明明因光 一聖心通 萬變乃光 圓通徧覺不迷不荒

又頌曰

精誠正趣 畧刻不空 虛因求實空亦不空 先空後應 先得後通 生心心滅 无始无終

隱朝帝師品

朝玉清

先靈室焚香端坐叩齒二十四通存已居心直入三寸名泥丸官元始上帝所居光誦三天隱辟靈靈靈三炁自泥丸中入下至中官次入下官次返上官存已元神朝元始上帝誦隱辟不以徧數存見三炁

充滿九宮光明洞照无始上帝在光明殿內坐千葉蓮花光明如日頭冠玉清萬變寶冠赤九色雜羅晨精丹明寶帳項負圓光金容玉髮二手持玉清印一俯一仰存之分明想身在全闕下九拜長跪密奏曰

糞土小兆學道男生且未誠惶誠恐頓首稽首拜手奏啟

无上三天玉清聖境祖師虛无自然无始天尊至尊上帝御前日夙承道歷生值昌時得遇師承奉授大法叨掌天印渥宰玄司日積

愆尤未進首謝恭望

天慈特降

教旨告下羅鄴北府三官岱宗河源泉曲主執萬神原赦臣某千罪萬考萬禍千殃除落寃對記名三天進道修真免諸魔試胞源散

滯結卸開通三界稽首萬報實仗早過玄師指授金丹鉛汞大道教臣坐進大定心悟重玄符水効靈攝召克應功成願俗得預真仙仰荷大道罔極之恩臣无任祈天禱聖激切屏營之至伏取

教旨

奏畢心六拜跪于帝前默誦三天隱諱候得旨先存三炷紫光繞我身即三稽首而退下入絳宮次歸下田

朝上清

生六

北密室焚香端坐叩齒二十四通存已眉心直入四寸名流珠宮太上道君所居此誦三天隱諱露澄霄名三炷自泥丸上宮入至中宮次入下宮次返上宮存已元神乘三炷上朝太上道君在寶殿中坐千葉蓮華水九色雜羅紫雲之帔飛森霜羅之水須臾百變之寇存之分明存身在玉陛

下九拜長跪密奏曰
糞土小光學道男生臣某誠惶誠恐頓首稽首拜手奏啓

无極大道太上道君上清上帝御前臣凡俗穢質獲遇師承恭佩靈文效職靖治伏慮前生今世故犯悞為三業六根千愆萬過无門首謝日夕憂惶恭望
天慈特垂原赦切念臣某常懼生死事重寒

暑運煎朝露易晞靈椿難繼臣今行持上道

秘典存佩具炷靈章存三守一澡煉身形內解結胎根外除兩目氣穢却除疾病絕滅禍源恭願則落黑編刊絕死籍然後洞入幽微具常德性精神俱妙與道合真一切有情

咸成道果臣冒瀆

生六

天威下情无任激切屏營之至伏候

教旨

奏畢心拜六拜跪于帝前誦諱諱不以福數彼得旨即存三炷紫光繞我身即三稽首而退下入絳宮次歸下宮丹日

朝太清

北密室焚香端坐叩齒二十四通存已眉心直入二寸名洞房宮中央黃老太上所居之處先誦三天隱諱露澄霄名三炷自泥丸中入下至中宮次入下宮次返上宮存已元神朝太上誦諱諱不以福數存見三炷光滿九宮光明洞照太上老君在金闕玉堂中坐千葉蓮華金容玉相達七曜寶冠衣履精九色雜羅白羽飛霜縹緲凭

碧琳玉几手執振拂之羽存之分明存身

在金闕下九拜長跪密奏曰

糞土小光學道男生臣某誠惶誠恐頓首稽首拜手奏啓

混元上德皇帝太上老君太清大帝玉陛下臣千載幸會獲遇師承授法錄領戶化民日積過愆未違首謝恭望

天慈領降

教旨告下真司特垂赦宥令臣向去心閑意悟耳聰目明萬仙會議賜臣金丹消災却禍逐獲神仙為教宗師闡揚大道濟拔幽顯利及群生得為後聖種民獲與天地相守恭願乾坤明素日月輝光星斗循軌山嶽放靈風雨時若水火潛形萬天道泰劫災不生蜎飛蠕動咸獲超升臣冒瀆

天威下情无任激切屏營之至伏候

教旨

奏畢心拜六拜跪于帝前默誦諱諱不以福數彼得旨存三炷紫光繞我身即三稽首而退下入絳宮次歸下丹日

玄丹官眉心直入五寸昊天玉皇上帝所居明堂官眉心直入一寸長生大帝神霄玉清玉所居

明堂官左乃韓君丈人分所居之度此斗九晨在腦中泥丸之上魁星指前北極專帝二星在斗中兆欲行事但看所錄

何官若黃籙大齋則諸官關備告九幽煉度則告玉清與韓君丈人雷雨事則告神霄祝文更不重序

朝帝師受炁

此靜室焚香叩齒並依前朝元法存身在金闕下長跪密奏曰

真主小兆學道男生臣某言念千載有幸獲奉道化仰惟

靈寶大法寶三洞之真蓋上消天地之災變下正陰陽之愆期幽可以拯拔三塗修可以脫離生死大无不包細无不格无量之奧深不可詳臣今因吉日恭依玉格受諸靈炁伏乞祖師虛无自然元始天尊玉清大帝廣運慈

慈特垂閣度臣今吞服諸靈炁灌煉五臟滂滌穢氣恭望

天慈特賜降下遜位瑤光正真道炁入臣身中內除心垢外煉目精隨事效用无不顯靈臣今恭對御前請受真炁臣誠惶誠恐頓首稽首再拜謹言

次左方手拍玉清訣攝諸炁呪

但弟子一年三度受炁受天炁乾地炁日

炁正月月炁正月五星之炁方五正炁中

有南斗六司之炁南北斗七元之炁北三台

真人之炁頭三天真隱內律北三師度我神

炁方五五嶽持身妙炁方五三塗總司之炁乾子

六丁柔和之炁打六甲武剛之炁神神

一之炁隨日神虎七元真炁北斗陰四直所

主之炁職明旋上帝正真生炁門九天玄女

真炁西內煉三真之炁厭雲雷兩部之炁具

天不能蓋我地不能載我衝我者死撞我者

亡急急如律令敕攝

次拍五帝三塗訣

紅杏東星黑玉磨真兌機騰牛靈寶中指與

生轉獨隸邊可轉明公都威切角正聚塊攝

公都聚塊招八方捷疾使者天神地祇萬靈

同歸合天地教攝合明天帝日合明天帝日

右念呪訖再拜兩手玉帝訣存三天三炁

時身次存前諸炁隨三炁入身中入下田

早過初一日子時便服炁念三天陳律一

萬遍可以通真達靈呼吸雲雷兩電皆召

天地神祇不得高聲不得令耳聞持齋一

日不茹葷

靈寶无量度人上經大法卷之二十六

。